

Tas bignos, tous tuquets, brounzinon de cansous  
E en canta lou se, quitton lous bignaourous  
Quan lous lugrancs aou céou, s'aluquon.

Qu'aymi tous ses d'hiouèr, quan la busquo en chioulan  
Humo, cramo, e qu'aoutour, las bieillos en hilan  
Parlon de louguarous, de tan d'annados.  
Sou cot de mièjonèy las besitos s'en ban,  
En de cassa la pôou caminon en cantan,  
Lous gouyats, prè de las maynados.

Qu'aymi tous prats, tous bêts rious e tous bos,  
Qu'adori toun soureil qui caouho nostes cos  
E tas lanos, e tas ribèros.  
Mais çò qu'aymi surtout, ô Païs amistous,  
Que lou parla d'ous bieils, lou lengatyie ta dous  
Que tous hils parleran encouéro.

Mais se parlon gascoun, soun touts françes aci :  
Nous aous soun lous aouzèts, qu'an la Franco en de ni ;  
Se nostes pays l'an defendudo,  
Quan la grano may apperera sous hills  
Seran pa lous darrès à saouta sous fusils,  
Can sounera l'horò attendudo.

